

Pueblo ta reacciona:

Palabra magico pa medida a bira privatizacion

ORANJESTAD(AAN) Ultimo dianan cu a pasa, go-

bierno di Aruba a pone masha hopi atencion riba e asunto di

Specialistanan ta contra

loke Posner kier haci cu AZV

ORANJESTAD(AAN) Specialistanan medico na Aruba ta raso pasobra gobierno di Aruba representa pa ministro Posner, ta haci como si fuera cu tur cos ta regla caba cu e famoso AZV cu nan kier implementa otro aña.

AZV lo bay ta e desastre financiero den seno medico hamas bisto den historia di Reino Hulandes y lo bay significa e fin di un cuido medico husto pa pueblo di Aruba, pasobra na final ta e riconan y esnan cu por paga, so por haya cuido medico adecua.

E carta di cual ministro Posner ta papia di dje cu a ser manda pa specialistanan na Aruba, no tin balor pasobra como ministro bo no por kere cu bo ta djis hisa benta cu un carta pa specialistanan y bisa nan cu entrante tal fecha nan no ta den servicio di gobierno mas y cu nan lo bay haya otro contract.

Cambio di areglonan y contract laboral ta algo cu mester tuma lugar entre dunador di trabao y trahador y no cu gobierno manera un dictador ta hisa benta y dicta loke e ta haya ta bon y tur hende mester bay na amen di gobierno.

Segun informacion cu DIARIO a haya di specialistanan na Aruba, nan ta bisa cu entrada di AZV, pacientnan no lo bay haya un bon cuido medico mas y esaki lo bay afecta salud y te hasta bida di pacientnan y esaki ta algo cu pa specialistanan na Aruba ta bay linea recta contra nan espirito di profesion.

"Ningun hende por bin dicta pa mi, pa mi bay firma un contract cu gobierno sin consulta cu mi persona prome".

"Si ta asina cos mester bay anto mayoria specialista y docter na Aruba lo haya nan mes ta baha na awa y busca nan futuro otro caminda, pasobra si gobierno por hisa benta asina manera cu nan tin planea pa otro aña cu AZV, anto ta kico tanto nos como docter y pacientnan por spera di un maneho desastroso asina", tabata comentarionan cu DIARIO a haya di docternan y specialistanan.

"Loke gobierno kier haci ta kiebro di contract cu nan tin cu specialistanan sin cu tabata tin negociacion na

mesa y pa esaki nos lo bay corte pa para henter e asunto aki", tabata comentario di un specialista cu te cu ayera no por a kere cu gobierno por a bay implementa un maneho asina desastroso pa pueblo di Aruba.

Specialistanan di Aruba te cu ayera no a acepta e proposicionnan di gobierno pa cu AZV y ta con ministro Posner por bay bisa pueblo cu AZV ta casi cla y cu otro aña e lo worde implementa?

Ta con ta bay haci na Aruba sin specialista pa atende pacientenan?

Ta conoci cu Posner ta specialista riba tereno di combati dolor, pero e dolor cu e ta causa awor den pueblo cu su AZV, e no por bay domina ni cu un miyon hangua, tabata comentario cu DIARIO a haya di e seno medico cu ta wanta nan curazon pa cu e desastre cu nan ta pronostica cu lo bay tuma lugar cu AZV.

AZV y tur hende na Aruba sa caba, cu ora cu gobierno cumenza pone demasiado atencion riba algo cu nan kier bin cune, un caminda algo no ta hole bon.

Politica na Aruba a pone pueblo perde confianza den varios asunto cu politiconan kier trece como algo nobo pa pueblo y ta esaki tambe ta loke ta pasando ultimo tempo cu AZV cu pueblo no ta confia mucho den dje.

For di hopi hende DIARIO ta haya reaccion encunto asunto di AZV y privatizacion di diferente departamento di gobierno cu lo bay costa pueblo placa ora cu pueblo mester cumenza paga directamente pa haya servicio di gobierno cu awor ta ser paga tambe door di pueblo, pero via e sistema di belasting cu tur hende na Aruba mester paga.

Remarkenan a ser haci manera lo siguiente: "Ayer nos por a tende con ministro Posner ta sinta gaba cu AZV ta pa yuda controla y baha gasto di ayudo medico.

Den e mesun rosea nos a tende ta bisa cu actualmente e gastonan ta 180 miyon Florin

pa aña y cu nos tin en total un grupo laboral di 41700 persona.

Esaki nos ta yama baha gasto?!

Ningun hende tin mag di sa ainda cuanto e ta bay costa.

Wel shonnan boso no a haya reken na school?

O a para bira cu nos mester guli tur locual ta worde imponi riba nos?

Si nos por calcula ainda, ta nifica cu cada un cu ta den e proceso laboral tin cu bay aporta cu 4316,55 pa aña pa yuda cubri gastonan medico so.

Si nos tuma un ehempel, actualmente si bo bay sigura bo mes, nos ta kere cu bo por segura bo mes pa hopi menos pa aña cu e suma menciona.

Di otro banda kico gobierno ta bay haci cu e placa cu nan lo bay resta di presupuesto cu actualmente ta presupuesta pa gastonan medico?

Pueblo ta bay haya esaki bek pa yuda cubri gastonan pa paga AZV?

Privatizacion di Serlimar ta mesun cuenta pasobra nos mester bay paga 32 Florin pa luna pa piki sushi di cas.

Pa conveniencia ta worde haci como si fuera e servicio awor ta pornada.

Ta kende ta pagando e trahadornan di Serlimar? No ta pueblo mes ta paga por medio di presupuesto di gobierno?

Kico gobierno ta bay haci mayan cu e placa cu ta bay resta pasobra awor cada un di nos ta bay cubri e gastonan aki for di nos entrada mensual?!

Asina tabata tin mas reaccion rabia cu DIARIO a haya durante transcurso di dianan cu a pasa y manera cu e situacion actual ta lo bin mas reaccion y critica cu gobierno lo haya su mes ta bay duna cuenta.

Si e asunto di AZV ta bay bira un problema asina grandi manera cu docternan y specialistanan mes ta anuncia, anto a bira tempo cu gobierno mester rek su som y para tur acto di cambio cu por perhudica cuido medico na Aruba y sigur proteha pueblo pa un desastre financiero cu AZV y con lo para cu docternan cu firma contract cu AZV si AZV resulta den un fracaso total den menos cu dos aña?

OPERATION POSTEMA DESERT FOX!!

